

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренијски савјет

PRAVILNIK
O VOĐENJU KNJIGE REGISTRA KONCENTRACIJA

Oktobar 2006.



Na osnovu člana 25. stav (1) tačka g) Zakona o konkurenciji („Službeni glasnik BiH“, br. 48/05) Konkurencijsko vijeće na 34. (tridesetčetvrtoj) sjednici održanoj 12. oktobra 2006. godine, je donijelo

PRAVILNIK
O VOĐENJU KNJIGE REGISTRA KONCENTRACIJA

I OPŠTE ODREDBE

Član 1.

Ovim Pravilnikom propisuje se način upisa, vođenje Knjige registra koncentracija, čuvanje, izdavanje izvoda iz Knjige registra koncentracija.

Član 2.

Rješenja o koncentraciji koje donosi Konkurencijsko vijeće u skladu sa Zakonom o konkurenciji upisuju se u Knjigu registara koncentracija (u daljnjem tekstu: Registar koncentracija).

Član 3.

Registar koncentracija vodi se po službenoj dužnosti.

II REGISTAR I NJEGOV NAČIN VOĐENJA

Član 4.

- (1) Registar koncentracija vodi se u zasebnoj knjizi formata 215x355 mm uvezanu u tvrde korice.
- (2) Na naslovnoj strani Registra koncentracija nalazi se naziv: „Bosna i Hercegovina“, „Konkurencijsko vijeće“, „Knjiga registra koncentracija“.
- (3) Stranice Registra koncentracija osim naslovne strane označene su rednim brojevima i sadrže odgovarajuće rubrike (obrazac RK-II).
- (4) Ovlašteno lice prije prvog upisa ovjerava Registar koncentracija svojim potpisom i pečatom Konkurencijskog vijeća na način da na prvoj unutrašnjoj strani Registra koncentracija upiše tekst ovjere koji glasi: „Ova knjiga sadrži ukupno 100 stranica“ (obrazac RK-I).

Član 5.

- (1) Popunjavanje rubrika u Registru koncentracija obavlja se upisivanjem određenih podataka koji su naznačeni u produžetku svake rubrike.
- (2) Registar koncentracija se popunjava čitljivo, tintom ili hemijskom olovkom na način da se upisivanje obavlja od početka slobodne rubrike.
- (3) Upisani tekst u Registar koncentracija ne smije se brisati niti ispravljati.
- (4) Izuzetno, manje greške ispravljaju se precrtavanjem vodoravnom crtom, stavljanjem potpisa ovlaštenog lica zaduženog za vođenje Registra koncentracija i datum ispravke. Ako se radi o većim greškama, cijeli se upis poništava precrtavanjem registarske stranice crvenom kosom crtom i upis se obavlja na prvoj slobodnoj stranici.

Član 6.

Izmjene koje su nastale nakon prvog upisa u Registru koncentracija, upisuju se u rubriku koja se odnosi na odgovarajuće izmjene. Nakon upisa novih podataka rubrika koja sadrži stare podatke precrtava se kosom crvenom crtom.

Član 7.

Registar koncentracija propisan ovim Pravilnikom smatra se knjigom trajne vrijednosti.

III JAVNOST REGISTRA KONCENTRACIJE

Član 8.

- (1) Svako zainteresovano lice može imati uvid u podatke upisane u Registar koncentracija.
- (2) Svako zainteresovano lice mora podnijeti zahtjev za izdavanje kopije upisa u Registar koncentracija.
- (3) Kopiju upisa ovjerava lice zaduženo za vođenje Registra koncentracija.

IV IZVOD IZ REGISTRA

Član 9.

- (1) Na pisani zahtjev ovlaštenog lica učesnika koncentracije, Konkurencijsko vijeće izdaje izvod iz Registra koncentracija.
- (2) Izvod iz Registra koncentracija izdaje se na Obrascu RK- III i sadrži:
 - (a) Registarski broj, dan, mjesec i godinu upisa
 - (b) Broj i datum Rješenja o koncentraciji

- (c) Puni naziv podnosioca prijave koncentracije
- (d) Adresu i broj telefona podnosioca prijave
- (e) Osnovnu djelatnost
- (f) Potpis službenog lica Konkurencijskog vijeća
- (g) Pečat Konkurencijskog vijeća

V PRIJELAZNE I ZAVRŠNE ODREDBE

Član 10.

Predsjednik Konkurencijskog vijeća će ovlastiti lice za vođenje Registra koncentracija.

Član 11.

Nakon donošenja ovog Pravilnika službeno lice će u roku od 15 dana izvršiti upis registracija koje je Konkurencijsko vijeće odobrilo do donošenja ovog Pravilnika.

Član 12.

Obrazci uz ovaj Pravilnik čine njegov sastavni dio.

Član 13.

Ovaj Pravilnik stupa na snagu danom donošenja, a objavit će se u „Službenom glasniku BiH“.

K.V. broj 01-01-50-924-I/06
Sarajevo, 12. 10. 2006. godine

Predsjednik
Gordan Raspudić, s.r.

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

KNJIGA REGISTRA KONCENTRACIJA
КЊИГА РЕГИСТРА КОНЦЕНТРАЦИЈА

BOSNA I HERCEGOVINA
Konkurencijsko vijeće



БОСНА И ХЕРЦЕГОВИНА
Конкуренцијски савјет

KNJIGA REGISTRA KONCENTRACIJA
КЊИГА РЕГИСТРА КОНЦЕНТРАЦИЈА

Ova knjiga sadrži ukupno 100 stranica
Ова књига садржи укупно 100 страница

M.P.
М.П.

POTPIS odgovornog/ovlaštenog lica/osobe
ПОТПИС одговорног лица

Redni broj	Naziv i adresa podnosioca/podnositelja prijave koncentracije	Naziv ostalih učesnika/sudionika koncentracije	Datum upisa i broj rješenja	Osnovna djelatnost	Napomena
Редни број	Назив и адреса подносиоца пријаве концентрације	Назив осталих учесника концентрације	Датум уписа и број рјешења	Основна дјелатност	Напомена

Образас РК-ИИ
Образас РК-ИИ